



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 03-04-2-2139/25.

Datum: 12.08.2025. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine Federacije BiH", broj 12/03, 34/03 i 65/13), člana 6. i 8. Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj ("Sl. glasnik općine Tešanj", broj 3/23) i člana 30. Statuta Općine Tešanj ("Službeni glasnik Općine Tešanj" broj 11/07) Općinski načelnik objavljuje

JAVNI OGLAS

o izboru predsjednika i članova Upravnog odbora JU Sportsko - rekreacioni centar Tešanj.

I Naziv pozicije, UO JU Sportsko - rekreacioni centar Tešanj

- Predsjednik Upravnog odbora _____ 1 (jedan)
- Član Upravnog odbora _____ 1 (jedan)
- Član Upravnog odbora _____ 1 (jedan)

II Opis pozicije:

Upravni odbor ustanove donosi pravila odnosno statut ustanove, imenuje i razrješava direktora ustanove, nadzire rad i poslovanje direktora ustanove a naročito u segmentu upravljanja i raspolaganja kapitalom i imovinom ustanove, utvrđuje politiku razvoja, razmatra i usvaja izvještaje o poslovanju, predlaže raspodjelu i način upotrebe dobiti, donosi opšti akt o unutrašnjoj organizaciji i sistematizaciji, podnosi osnivaču najmanje jedanput godišnje izvještaj o poslovanju ustanove, te obavlja i druge poslove u skladu sa zakonom i pravilima/statutom javne ustanove.

Predsjednik Upravnog odbora Javne ustanove rukovodi sjednicama Upravnog odbora, stara se o pripremi materijala za sjednice Upravnog odbora i o izvršenju akata Upravnog odbora i obaveza prema općini Tešanj. Predsjednik Upravnog odbora obavlja i druge poslove utvrđene Statutom i drugim aktima javne ustanove.

Mandat predsjednika i članova Upravnog odbora je 4 (četiri) godine uz mogućnost ponovnog imenovanja u skladu sa zakonom.

Naknada za rad predsjednika i članova Upravnog odbora utvrđena je općim aktima ustanove i ista se isplaćuje iz sredstava ustanove.

III Kandidat za imenovanje na upražnjene pozicije predsjednika i članova UO JU Sportsko - rekreacioni centar Tešanj, mora ispunjavati sljedeće opće uslove:

- da je državljanin Bosne i Hercegovine,
- da je stariji od 18 godina i mlađi od 65 godina,
- da nije otpušten iz državne službe kao rezultat disciplinske mjere na bilo kojem nivou vlasti u Bosni i Hercegovini u periodu od 3 godine prije dana objavljivanja javnog oglasa,

- da nije pod optužnicom Međunarodnog suda za ratne zločine u bivšoj Jugoslaviji (član IX .1. Ustava Bosne i Hercegovine , da nije na funkciji u političkoj stranci u smislu člana 5. Zakona o ministarskim, vladinim, i drugim imenovanjima u F BiH,
- da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH („Službene novine FBiH“, broj: 12/03, 34/03 i 65/13),
- da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u institucijama vlasti Bosne i Hercegovine,
- da nema privatni finansijski interes u reguliranom organu u koji se kandiduje,
- da nije osuđivan za krivično djelo i privredni prestup nespojiv s dužnošću u reguliranom organu u koji se kandiduje,
- da nije lice kojem je pravosnažnom presudom suda zabranjeno obavljanje aktivnosti u reguliranom organu za koji se kandiduje.

IV Kandidat za imenovanje na upražnjene pozicije predsjednika i članova UO JU Sportsko - rekreacioni centar Tešanj, mora ispunjavati pored općih uslova i posebne uslove:

1. VSS VII stepen, završeno visoko obrazovanje prvog, drugog ili trećeg ciklusa Bolonjskog sistema studiranja (sa najmanje 180 ECTS bodova) tehničkog, ekonomskog, pravnog ili nekog drugog društvenog smjera. **Izuzetno, posebni uslov za člana može biti i VSS.**
2. za predsjednika najmanje 5 godina radnog iskustva nakon sticanja zvanja, a za člana najmanje 3 godine radnog iskustva nakon sticanja zvanja,
3. da nije član nadzornog ili upravnog odbora, odnosno odbora za reviziju nekog javnog privrednog društva ili institucije,
4. komunikacijske i organizatorske sposobnosti (cijene se na intervjuu),
5. sposobnost tumačenja propisa iz oblasti za koju je regulirani organ osnovan (cijeni se na intervjuu),
6. sposobnost upravljanja finansijskim i ljudskim resursima (cijeni se na intervjuu).

V Za prijavu na javni oglas kandidat je dužan dostaviti sljedeću dokumentaciju (original ili ovjerenu kopiju):

1. prijavu sa biografijom, adresom i kontakt telefonom,
2. ličnu kartu (ovjerena kopija),
3. diplomu kao dokaz o završenoj stručnoj spremi (ovjerena kopija),
4. uvjerenje o radnom stažu izdano od strane Poreske Uprave ili potvrda izdana od strane poslodavca, kao dokaz o radnom iskustvu,
5. ovjerenu izjavu da ispunjava opće i posebne uslove predviđene ovim javnim oglasom (obrazac izjave može se preuzeti elektronski na web stranici Općine Tešanj ili na šalteru Općine)

Prijavu na oglas i sve tražene dokumente treba dostaviti u roku od 15 dana od dana posljednjeg objavljivanja oglasa, lično ili poštom na adresu:

OPĆINA TEŠANJ
Trg Alije Izetbegovića br.1
74260 Tešanj
sa naznakom:

KOMISIJA ZA IZBOR

“Prijava na Javni oglas o izboru predsjednika
i članova Upravnog odbora JU Sportsko - rekreacioni centar Tešanj”

Sa kandidatima koji budu ispunjavali sve potrebne uslove bit će obavljen intervju.
Podnosilac prijave sa kojim je nemoguće stupiti u kontakt u roku od 8 dana od dana isteka roka za podnošenje prijave, neće biti uzet u razmatranje u daljem procesu imenovanja.

Sve informacije u toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka ("Službeni glasnik BiH", broj: 49/06 i 76/11).

Za provođenje procedure Općinski Načelnik u skladu sa ovlaštenjima iz člana 13. Odluke o utvrđivanju standarda, kriterija, postupku izbora i imenovanja na upražnjene pozicije u regulirane organe Općine Tešanj ("Sl.glasnik općine Tešanj", broj 3/23) imenuje Komisiju za izbor. Nakon obavljenog intervjua sa prijavljenim kandidatima i na osnovu u potpunosti dokumentovanih odluka svakog člana komisije, Komisija za izbor će putem pisane preporuke predložiti rang-listu sa najboljim kandidatima, dostaviti općinskom Načelniku, a općinski Načelnik predložiti Općinskom vijeću na razmatranje i usvajanje. Rješenje o konačnom imenovanju predsjednika i članova Upravnog odbora donosi Općinsko vijeće Tešanj.

Kandidat koji bude izabran dužan je u roku od 8 (osam) dana dostaviti:

- uvjerenje da nije osuđivan za krivično djelo i privredni prestup nespojiv s dužnošću u reguliranom organu, pet godina od dana pravosnažnosti presude, isključujući vrijeme zatvorske kazne;
- uvjerenje da mu presudom suda nije zabranjeno obavljanje aktivnosti u nadležnosti upravnog odbora;
- uvjerenje o državljanstvu (ne strarije od šest mjeseci);

Nepotpune, neblagovremene i neuredne prijave neće se uzeti u razmatranje.

Javni oglas će biti objavljen u "Službenim novinama FBiH", dnevnom listu "Oslobođenje" i na web stranici Općine Tešanj.

Dostavljeno:

1. „Službene novine Federacije BiH“
2. „Oslobođenje“ Sarajevo
3. Web stranica Općine Tešanj
4. Arhiva



OPĆINSKI NAČELNIK
Mr.sci. Suad Huskić

